



Broj: 06-11-1054-8/23
Sarajevo, 24.08.2023. godine

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, br. 39/14 i 59/22) i člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14), na Preporuku Komisija za nabavku, broj: 06-11-1054-6/23 od 23.08.2023. godine, u postupku javne nabavke usluga: „Usluga interneta i kablovske televizije“, direktor Kantonalne uprave civilne zaštite Kantona Sarajevo, donosi

ODLUKU O IZBORU NAJPOVOLJNIJEG PONUĐAČA

Član 1

Prihvata se Preporuka Komisija za nabavku, broj: 06-11-1054-6/23 od 23.08.2023. godine i Okvirni sporazum o nabavci usluga interneta i kablovske televizije, dodjeljuje se izabranom ponuđaču BH Telecom d.d. Sarajevo, ponuda, broj: 08-22-83562/23 od 18.08.2023. godine, za ponudenu cijenu od 5.921,20 KM bez PDV-a, kao najpovoljnijem ponuđaču.

Član 2.

Prijedlog Okvirnog sporazuma o nabavci usluga interneta i kablovske televizije, dostavit će se na potpis izabranom ponuđaču u roku utvrđenim Zakonom o javnim nabavkama („Službeni glasnik Bosne i Hercegovine“, br. 39/14 i 59/22).

Član 3.

Ova Odluka će se u skladu sa članom 70. stav (6) Zakonom o javnim nabavkama objavit na web stranici Kantonalne uprave civilne zaštite Kantona Sarajevo (www.kucz.ks.gov.ba) i to istovremeno s upućivanjem ponuđačima koji su učestvovali u postupku javne nabavke.

Član 4.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija Kantona Sarajevo, svako u okviru svoje nadležnosti.

Član 5.

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.

OBRAZLOŽENJE

Postupak javne nabavke usluga: „Usluga interneta i kablovske televizije“, pokrenut je Odlukom o pokretanju postupka javne nabavke, broj: 06-11-1054/23 od 08.08.2023. godine.

Postupak predmetne nabavke sproveden je putem Konkurentskog zahtjeva za dostavu ponuda.

Procijenjena vrijednost javne nabavke usluga interneta i kablovske televizije bez PDV-a je do 6.000,00 KM.

Komisija za nabavku je imenovana Odlukom, broj: 06-11-1054-1/23 od 08.08.2023. godine.

Obavještenje o nabavci, broj: 282-7-2-83-3-35/23, objavljeno je dana, 10.08.2023. godine na Portalu javnih nabavki, kao i tenderska dokumentaciju za predmetni postupak javne nabavke u sistemu „E-nabavke“, dok je sažetak Obavještenja o nabavci poslala na objavu Službenom glasniku Bosne i Hercegovine, koje je objavljeno u „Službenom glasniku Bosne i Hercegovine“, broj 57/23, dana, 18.08.2023. godine.

Izmjene tenderske dokumentacije za predmetni postupak javne nabavke, objavljene su dana, 10.08.2023. godine na Portalu javnih nabavki.

Komisija za nabavku dostavila je dana, 24.08.2023. godine direktoru Kantonalne uprave civilne zaštite Kantona Sarajevo, Zapisnik o pregledu i ocjeni ponuda broj: 06-11-1054-5/23 od 23.08.2023. godine u čijem se prilogu nalazi, Preporuku ugovornom organu broj: 06-11-1054-6/23 od 23.08.2023. godine i Izvještaj o provedenom postupku javne nabavke broj: 06-11-1054-7/23 od 23.08.2023. godine.

Na osnovu dostavljenog Izvještaja o provedenom postupku javne nabavke, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispjelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- Da su u predmetnom postupku primljene dvije ponude.
- Da su blagovremeno primljene dvije ponude.
- Da nije bilo ne blagovremeno primljenih ponuda.
- Da se ponuda ponuđača Telemach BH d.o.o. Sarajevo odbacuje na osnovu člana 68. stav (4) tačka i) Zakona o javnim nabavkama iz razloga što ponuda od navedenog ponuđača nije u skladu sa tenderskom dokumentacijom predmetnog postupka javne nabavke i njenim izmjenama, odnosno ne ispunjava zahtjeve iz tenderske dokumentacije predmetnog postupka javne nabavke i njenim izmjenama, koje se odnose na obrazac za cijenu ponude. Naime, navedeni ponuđač je u svojoj ponudi dostavio obrazac za cijenu ponude koji nije u skladu sa izmjenama tenderske dokumentacije predmetnog postupka javne nabavke i to stavka u tabeli pod rednim brojem 2. u koloni opis usluge (izmjenama tenderske dokumentacije, od Ugovornog organa tražen je opis usluge: „Internet pristup brzina min. 100 Mbps/8 Mbps“, dok je u dostavljenoj ponudi ponuđača u obrascu za cijenu ponude traženi opis usluga: „Internet pristup brzina min. 40 Mbps/1 Mbps“, što znači da je mijenjao obrazac za cijenu ponude i zahtijevani opis usluge od Ugovornog organa). Shodno navedenom, a imajući u vidu činjenicu da ponuđač obrazac za cijenu ponude ne može mijenjati niti dopunjavati, te da je u izmjenama tenderske dokumentacije predmetnog postupka javne nabavke, navedeno da će Ugovorni organ odbaciti ponude koje nisu u skladu sa izmjenama tenderske dokumentacije, ponuda ponuđača Telemach

BH d.o.o. Sarajevo, odbačena je primjenom člana 68. stav (4) tačka i) Zakona o javnim nabavkama.

- Da je ponuda ponuđača BH Telecom d.d. Sarajevo, kvalifikovana i prihvatljiva, da ispunjava sve zahtjeve i kriterije koji su traženi tenderskom dokumentacijom za predmetni postupak javne nabavke, broj: 06-11-1054-2/23 od 10.08.2023. godine i broj: 06-11-1054-4/23 od 10.08.2023. godine, te da su dostavljeni svi traženi dokazi na propisani način.
- Da se prema odredbama člana 3. stav (3) Pravilnika o uslovima i načinu korištenja e-aukcije („Službeni glasnik Bosne i Hercegovine“, broj 66/16), e-aukcija ne može zakazati i održati jer je od primljenih ponuda samo jedna ponuda prihvatljiva, te da se zbog navedenog predmetni postupak javne nabavke okončava u skladu sa članom 69. Zakona o javnim nabavkama.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, te tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen jer je njegova ponuda u ukupnom iznosu od 5.921,20 KM bez PDV-a, prema kriteriju za izbor (najniža cijena) rangirana na prvom mjestu i ispunjava sve uslove zadane u tenderskoj dokumentaciji.


Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od pet dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



P. O. DIREKTORA

Mirela Alimović
Sekretar Uprave

Dostavljeno:

- Svim ponuđačima
- Sektor za materijalno-finansijske poslove KUCZ KS
- Ministarstvu finansija Kantona Sarajevu
- a/a

